



09 Abril 2018: http://www.tl.undp.org/content/timor_leste/en/home/blog/2018/national-human-development-report-2018--creating-a-buzz-in-timor.html

Relatoriu Nasionál Dezenvolvimentu Umanu 2018: kria sinu ida iha Timor-Leste

Hosi Roy Trivedy, Koordenador Rezidente ONU no Representante Rezidente PNUD

[Relatoriu Nasionál Dezenvolvimentu Umanu \(RNDU\) Timor-Leste 2018](#) [lansa- ona iha Dili](#) loron balu liuba. Relatoriu sira hanesan ne'e babain hamosu kobertura media ne'ebe ass iha sidade kapital sira no depois hada de'it iha raga livru husi ema politiku no akademiku sira iha sentru urbanu. Foin to'o iha nasaun ne'e semana tolu liuba, nu'udar Koordenador Rezidente ONU no Representante Rezidente PNUD, kontente haree katak Governu Timor-Leste, Universidade Flinders no PNUD servisu hamutuk hodi produz relatoriu sira ne'e no haka'as an atu garante destinu RNDU la tuir "trajetoria bain-bain".

Maibé, ekipa kolaboladór sira uza relatoriu ne'e atu hamosu diskusaun publika nasional ida iha nasaun laran tomak no debate kobre setór oi-oin kona-ba 'kestaun' sira ne'ebé sei forma dezenvolvimentu nasaun nian iha futuru, no inklui durante prosesu ba to'o 12 fulan Maiu ba eleisaun parlamentar. Relatoriu disponibel iha lian Tetun (lian nasional) no lian Ingles inklui ba partidu politiku prinsipál sira, atu permite ema hotu iha teritoriu laran kompriende di'ak liu kona-ba relatoriu nia konkluziun no ninia implikasaun potensial sira kona-ba relatoriu ne'e, nune'e mós insentiva sira atu difini ideia sira kona-ba oinsa mak Timor-Leste bele dezenvolve politika ne'ebé diak no pratika hodi maksimiza oportunidade ba nasaun bele hetan benefisiu hosi joven dividendu'. Ami rekoñese katak, ikus liu, impaktu hosi relatoriu ne'e tenke julga liu-husi asaun kontinuasaun hirak ne'ebé mak relatoriu ne'e hamosu.

Relatoriu Nasionál Dezenvolvimentu Umanu argumenta katak Timor-Leste iha oportunidade ida uniku atu aselera krezimentu sustentavel, hadi'ak rezultadu dezenvolvimentu no alkansa progresu ne'ebe tuir niniia aspirasaun dezenvolvimentu no [Objetivu Dezenvolvimentu Sustentavel \(ODS\)](#).

Nasaun ida ne'e hanesan nasaun ida ne'ebé joven liu iha mundu tomak ho 74% populasau ho idade menus hosi 35, halo nia hanesan nasaun joven dalaruak iha rejiaun Asia Pasifiku, depoizde Afghanistaun, no dala 15 joven liu globalmente. Tanba ne'e, importante liu atu involve joven sira no involve ema hotu iha dezenvolvimentu nasaun nian. Relatoriu ne'e hatudu katak aliende eziste idade perfil hosi sidadaun Timor-Leste, ho proporsau boot hosi sidadaun sira ne'ebé iha nivel idade ne'ebé produtivu, iha tinan hirak ikus ne'e taxa fertilidade iha nasaun ne'e mos tuun (hosi 7.8 labarik ba kada inan Timoroan ne'ebe iha tinan 2013 to'o 4.3 iha tinan 2016) no hakat besik liu ba nivel global. Relatoriu ne'e argumenta katak kombinasau hosi fatór hirak ne'e, permite imor-Leste atu maksimaliza oportunidade ba krezimentu ne'ebé sustentavel no hetan benefisiu hosi demogafiku dividedu. Maibé ida ne'e, la automatikamente no prediktabe.l. Atu uza oportunidade ne'e, serbisu kontinuasaun tenke hahu agora!

Presiza fornese investimentu iha tempu no meus relevante. Timor-Leste atu alkansa vizaun ida ne'e, Governu foun ne'ebe forma hafoin eleisaun mai, atu aselera implementasaun no konsidera rekomendasaun prinsipál sira ne'e ho kuidadu inklui: aloka 25% hosi orsamentu nasional ba edukasaun no formasaun juventude; haforsa kualidade edukasaun; insentiva set'or privadu atu investe barak liu iha formasaun no kriasaun oportunidade "serbisu diak" no haluan asesu ba kuidadu saudé primaria no planeamentu familiar.

Entusiasmu tebes haree katak serbisu ne'e komesa ona ho ho diskusaun ne'ebe involve joven sira, representante sosiedade sivil sira, lider emprezarial, politiku nain sira no parseiru dezenvolvimentu sira iha Dili.

Iha [semináriu públiku no debate politika](#) ida ne'ebé hala'o iha loron ida depoisde lansamentu, painél ida kompostu husi joventude, sosiedade sivil no representante governu diskuti no debate kona-ba relatóriu nia konkluzau sira. Pergunata importante ida ne'ebe diskuti foti kestaun importante kona-ba nesesidade atu asegura implementasaun ba politika sira ne'ebe eziste - hanesan Politika Nasionál Juventude nian – atu alkansa rezultadu no asegura katak joven sira ne'ebé hela iha area rural bele asesu ba oportunidade edukasaun no treinamentu hanesan ba sira ne'ebé iha Dili asesu. Representante joven sira mos rekoñese katak sira iha papel importante uza sira nia abilidade atu buka solusaun ba dezafiu nasional sira no motiva juventude sira seluk.

Liu hosi prosesu ida ne'e, objetivu ne'e mós atu harii ekipa no instituisau ne'ebé motivadu no iha komitmentu boot iha nasaun laran tomak, sira ne'ebé bele implementa programa ne'ebe enkoraza asaun atu permite timor-Leste maksimiza oportunidade hirak ne'ebe fornese hosi 'dividendu juventude'. Interessante! Tau matan ba espasu ida ne'e, atu hetan informasaun liu tan.